

Georges Reboul

Terraire nòu



C.I.E.L. d'Oc

Centre International de l'Écrit en Langue d'Oc

3 Place Joffre, 13130 Berre L'Étang

<http://www.lpl.univ-aix.fr/ciel/>

ART POUËTIQUE

Founsour simplò
de moun crèire enaura,
ma vido la viés implò
pèr ti laura.

Emé d'estrofo puissanto,
sènso coumta lei mot,
ai segui la draio enaussanto
mounte passo un escabot.

Tóutei lei bèsti avien sa lano;
lou pastre, dins soun raive amudi
meno l'avé, que jamai debano,
mounte es predi.

Aquelo ombro que toumbo
l'ai mesurado emé mei pas
e mi pourtè de coumbo en coumbo
sènso ajougne un soulet jas.

De-bado an cerca lou pastre,
car la founsour l'a pestela
dins lou supèrbi bàrri d'astre
mounte escalo lou troupèu estela.

Mai la founsour es la grandò ombro
d'un soulèu rufe, cabussant
dins uno plenitudo que si noumbro
emé l'istòri de moun sang.

E lou pastre e iéu, emé la troupo
que paisse à l'endavans de moun desi,
e s'espandisse o bèn s'agroupo
à moun coumand jamai gausi.

1932.